


STORYWORLDS



Na Geamaichean



Jill Atkins • Shelagh McNicholas

Na Geamaichean




An teacsa Jill Atkins
Na dealbhan Shelagh McNicholas
A' Ghàidhlig Anna NicDhòmhnaill

STÒRLANN • ACAIR



A h-uile samhradh bhiodh Alison a' dol
a dh'fhuireach greis còmhla ri a seanair
agus a seanmhair ann an Alba.
Bha Seumas a' fuireach an ath-dhoras.
Aon latha chaidh Alison agus
Seanair chun nan geamaichean.
"Chì sinn Seumas aig na geamaichean,"
ars Alison.
"Bidh e a' dèanamh Dannsa Gaidhealach."




Nuair a ràinig iad na geamaichean thuirte
Alison ri Seanair, "Am faod mi a dhol
a lorg Sheumais?"
"Faodaidh," thuirte Seanair.

Cha robh i fada gus
an do lorg i Seumas.
Bha e còmhla ri
nighean le falt
uabhasach fada.



“S tu tha coimhead math san fhèileadh,”
thuirt Alison ri Seumas. “B’ fheàrr leam
gun robh fear agam fhèin.”
An uair sin rinn Alison gàire beag ris an
nighinn ach cha do rinn ise gàire air ais.
Thionndaidh i agus choisich
i air falbh.



“Cò bha siud?” dh’fhaighnich Alison.
“Siud Laura,” arsa Seumas.
“Bidh mi a’ dannsa còmhla rithe.”
“Chan eil i ro ghasta,” ars Alison.
“Chan eil,” arsa Seumas.
“Cha toil leam a bhith a’ dannsa còmhla
rithe, ach ’s mi an aon ghille a tha an aon
àirde rithe.”



Thòisich na geamaichean an uair sin.
Chunnaic Alison agus Seumas tòrr
dhaoine làidir a' sadail, a' putadh agus
a' slaodadh rudan.
An sin chunnaic iad Laura a-rithist.
Bha i gan leantainn.



An dèidh sin chunnaic iad
fireannach mòr a' sadail an ùird.
“Nì mise siud,” arsa Seumas, agus
thòisich e air a dhol mu chuairt agus
mu chuairt gus an do thuit e.
An uair sin thàinig Laura a-nall
gu Seumas agus thuir i ris,
“Nach tu tha gòrach.”





Bha Alison airson gu falbhadh Laura,
ach chan fhalbhadh. Chaidh Alison
agus Seumas a choimhead air Dannsa
a' Chlaidheimh.

“Nì mise siud,” ars Alison, agus dhanns
agus dhanns i gus an do thuit i.

Thàinig Laura a-nall a-rithist agus
thuirt i rithe, “Nach tu tha gòrach.”




“Trohadh,” thuirt Seumas air a shocair.

“Fàgaidh sinn Laura an seo.”

Ruith Alison agus Seumas tarsainn na
pàirc a choimhead nam fireannach a' cur
charan dhen chabar.

“Seall! Siud Seanair,”
dh’èigh Alison.
Bha caraid Seanair
a’ cur car dhen chabar.
“S e as fheàrr a
th’ ann,” arsa Seanair.



Dh’fhaighnich caraid Seanair dha Alison
an robh i airson an cabar fheuchainn.
“Tha e ro throm,” thuirt Alison le gàire.
“Tha e cho trom ri craoibh!”



“Chan eil thu uabhasach làidir, a bheil?”
arsa Laura.
“Tha mise nas treasa na thusa.”
“Chan eil thu!” ars Alison.
“Tha mi!” thuirt Laura.
“Trohad còmhla rium. Seallaidh
mise dhut.” Lean Alison agus Seumas
Laura tarsainn na pàirc.



Thug i null iad gu far an robh clann a' dol
a dh'fheuchainn 'slaod an ròp'.

“Trohad, Alison,” arsa Seumas.

“Thèid sinne air a' cheann seo.”




Mar sin chaidh Alison agus Seumas air aon
cheann agus chaidh Laura air a' cheann eile.



“Aon, dhà, trì, slaodaibh!” dh'èigh an
tidsear. Shlaod a h-uile duine cho math
's a b' urrainn dhaibh.



Siud thuit iad uile nan cnap, agus bha
Alison agus Seumas a' gàireachdainn.




Ach an uair sin dh'èigh Laura,
“Ghoirtich mi m' adhbrann.
Chan urrainn dhomh coiseachd.”
Chuidich tidsear Sheumais Laura a-null
gu sèithear.
“O, Laura, a-nis chan urrainn dhut dannsa.”



“Alison, an danns thusa còmhla rium?”
dh'fhaighnich Seumas. “Ma sheallas tu
dhomh mar a nì mi e,” thuirt Alison, agus
dh'fhalbh i còmhla ris.



An toiseach cha robh Alison ro mhath
ach cha b' fhada gus an robh i a' dannsa
uabhasach math.



Nuair a bha an danrsa seachad, thuir an tidsear, “Thoiribh taing mhòr dha Alison airson gun do chuidich i sinn.”

An uair sin thàinig Laura far an robh Alison agus thuir i, “Dhanns thu glè mhath airson a’ chiad turas. Bidh thu cheart cho math riumsa fhathast.”

Foillsichearan Foghlaim Heinemann
Halley Court, Jordan Hill, Oxford OX2 8EJ
earrann de Fhoghlam agus Foillseachadh Proifeiseanta Reed Earr.

OXFORD FLORENCE PRAGUE MADRID ATHENS
MELBOURNE AUCKLAND KUALA LUMPUR SINGAPORE TOKYO
IBADAN NAIROBI KAMPALA JOHANNESBURG GABORONE
PORTSMOUTH NH (USA) CHICAGO MEXICO CITY SAO PAULO

© Jill Atkins 1997

A’ chiad fhoillseachadh 1997
A’ chiad fhoillseachadh sa Ghàidhlig 2004

A’ Ghàidhlig Anna NicDhòmhnaill

2005, 2004
10 9 8

© na Gàidhlig Stòrlann Nàiseanta na Gàidhlig às leth nan Ùghdarrasan a tha riochdaichte air MRG. Na còraichean uile glèidhte. Chan fhaodar pàirt sam bith dhen leabhar seo ath-riochdachadh an cruth sam bith no an dòigh sam bith gun chead ro-làimh bho Stòrlann Nàiseanta na Gàidhlig/Acair.

Data Catalogadh ann am Foillseachadh an Leabharlann Bhreatainn
Gheibhear clàr-catalogaidh airson an leabhair seo bho Leabharlann Bhreatainn.

Tha Jill Atkins a’ dleasadh còir mhoralta airson a bhith air a comharrachadh mar ùghdar na h-obrach seo.

Clò-bhuailte le Scotprint, Haddington.

LAGE/ISBN 0 86152 623 6